

起

谷

後

集

恕谷後集卷六

馮先生傳

馮先生名夢徵字繪升安州人以廩生選拔貢士生而凝厚篤孝友繼母趙氏待之厲先生先其意所欲陰遂之遂以底豫後每有盛威先生諭之立霽當是時大河北孫徵君鍾元宗王守仁刁孝廉包宗朱熹講學各著書鳴世先生亦守程朱說然結廬白泮淀旁僻巷靜修恬如也已而與堪交聞堪微較正先儒語抵書爭之娓娓數千言及顏習叁先生與之存學編論孔孟正旨見堪大學辨業深有省晚年與習叁結會共砥嗚呼自熹朱立學道名以來再變而爲陽明氏天下分門角戶者不出二派先生初堅

墨守末燭康衢可不謂聞道者與登而好義屢脫人於難
樂誨從遊者愈恭謹對客恂恂如穆然歿後五子以醇
雅世其家

顏習竺先生曰道貌如畫

馮君傳

馮君諱蘊字敬南代州人也大父廣東左布政使如京以
春秋名家世稱曰秋水先生父雲驢仕翰林院講官至禮
科給事中君生而穎異好經濟嘗謁魏敏果公象樞奇之

虛寫

戊辰聯捷成進士初補中書已陞梧州府同知衙無事每

爲上官剖疏別案事特薦調補南寧同知南寧逼左江與

諸土司壤相錯自吳逆後伏莽多有守土置莫誰何君至

陰誦其一縛致之訊其黨皆獲置魁於法餘釋署爲鄉役

率土兵伺盜自是盜朱竊而捕已至矣一巨偷李亞四聚

數百人伏城鎮北橋期舉火諸官出救路之大掠君知偵

衆盜盡出而亞四在急擒之群盜駭散南寧故以竹結屋

覆之茅比簷相亞每災輒延燒十百家盜因乘之劫略君
命民門庀甕一貯水驗無水者罰立保甲令遇災人撻水
一石運至給籤翌日按籤有無施刑賞又使役巡炊所非
運水及捕火人卽執懲由是比年無災而盜亦熄歲戊寅
湖廣茶陵州有警嶺西南群醜伏蔓南寧營署間謀旦暮
起應當事者震驚計之君君曰吾行辦之密廉得其主名
夜呼前釋盜論以効力皆屑涕誓死報廼令各招其徒入
卽上兵也質明戈兵蟻聚屯城中當事益大駭曰何爲者
君曰無他也行釋去矣諸奸見兵集情伏莫敢動因按名
捕寘之法而犒土兵以牛酒去庚辰攝府印別寧關稅弊
巡撫彭鵬疏薦適君丁外艱士民攀留不得至感嘆泣下

辛巳李璿入都君浮家都門璿同通稱君學者因相
會抵冬君延萬子孔氏子尙任王子源及璿論學璿餽以

萬子、一、小、傳

大學辨業萬子夙有講會壬午卒君乃邀同人十日一會

其廬癸未春璿又入都君廣集四方士列講筵推璿講璿

謝不敏座或問理氣五行及經義略陳說日晡散去君留

璿喟然問曰聖門所重者六藝今置不問學術烏乎振璿

曰君知其由耶三代以上以仁義禮智之德出而爲子臣

弟友之行緯以禮樂兵農之事而其事則必習之學中一

源其委典樂所以教胄子大司徒所以教萬民也無何遭

秦坑口傳身授之學遂湮惟古聖載德行與藝諸典籍幸

升、降、歷、歷

有存者於是搜購爬羅誦說多而習行少謂傳經爲儒者

至宋明諸儒又以漢唐僅訓詁未窺本源乃舉聖門不可
得聞之性天立主靜觀中致良知等名以補苴之上之虛
摸太極下之日役章句至於禮樂則以爲緩圖射御書數
則以爲鄙事將子路之兵冉有之農公西華之相禮俱置
學外致使漢唐宋明諸君所與創定宇宙者率用黥盜屠
販輩而所謂傳道大儒且高閣束之待異日天下無事命
以珥筆講書而已不知伊呂周孔當此時亦祇如此否且
禮樂兵農不務則所持以盡行者何事養德者何具而德
行亦因以亡矣此學術所以日壞天下所以日靡而不可
播也君立起曰然乃遍究禮樂經濟諸端夜深秉燭偕其
四弟廔及子考辨娓娓不休搢復言修身齊家務君欣然

期立見於行初君童歲詩文卽噪人口顧唾棄弗屑嘗學
射應弦中相馬驚駿百不失一尤精筭術測高量遠求深
推計今古伸手布籌咄嗟立辨世傳九章書與西洋筭法
人或輾轉莫解君一覽立剖輒指畫令人人可曉生有巧
思凡攻金攻木錐鑿鈐錘之類行則攜之時考次纏度定
刻漏早晚地勢向背皆出意解手成小儀器精巧靈通世
業家自謂弗及也每言制器今不逮古遠甚如考工記弓
人一則妙盡物曲學士不之求工人又沒世不知他率類
是嘗欲以所試農田水利軍旅甲冑火攻諸器爲一書又
欲推春秋以來日月薄蝕五星行度諸儒同異得失爲一
書皆未就見成者僅有諸分指掌測量方程二小帙製器

有簡平儀大銅黃道儀小時日晷銅矩度器銅渾儀皮水

砲乃甲申正月甫三十八歲遂卒矣

一〇句〇淺〇涼〇十〇古〇

李璿曰聖道豈其莫振也哉何馮君之早折也予初交君

時窺其貌癯然目清露詢之則世家貴族疑貌何以不類

乃卒短折悲夫卒後聞有訾訾詎才尤見嫉耶抑所見者

遠而左右周旋乃未至耶使君不得盡其學將誰尤哉

孔東塘曰屈注夫潢創連滄海從來傳文少此奇觀

李贈翁傳

贈翁諱雍熙號淦秋先世本襄強李氏後徙長山翁少好義俠千里朋畢至擊鮮浮白抵夜分鋤強援貧難立削贖經紀出千百金無遜色後丁父艱盡禮已而執母氏變比葬冠斗至明器食焚掠翁大勵跣身壙中親友挽之得不墮廼挫豪茹長齋掛牙牌直胸上鐫母訓下鏤曰爲善空惡長白山故有外舅史侍郎別業因結茅著方外服讀丹經其上而好義急難如故推弟侄田宅族戚養於家俾成立數十人里人以窘來需物與直而還之一弟弟爭壠給以田勸息乙指甲攘其賞曰無是也爲代償其他已通贖掠助昏葬難數計邑有巨鎮曰周村牙僧握權度橋虔翁

僱人充之稅出。不索商錢貨。就至居民亦裕。又立義倉。義學。義塚。偶疾走望禱者踵接。初翁值明季群盜起。什伍鄉人百置長練以營陳鄉。週遭樹望樓外。聯木寨。翁身執銳指揮巨盜。不敢犯。暮年一日同從兄司寇化縣有所之翁。箸簪寬博司寇故與謁馬甫上怒躍翁提鞭過後馬。懾伏循循走司寇捧腹笑曰何許道叟而若是所著有孝行庸言。翠岩詩集雜著藏家塾子孫繩繩貴顯仲孫斯義以進士今任大理寺卿贈翁如其官。
追叙離奇

李塋曰王法乾嘗爲塋言天報德亦報功而功猶較著可肘量而指筭也。露人間際泰輕俠好義子登甲榜職都郎劉潤九以質民好行其德子姓習富有宦者翁功更鉅食

報亦鉅法乾之言不誣矣翁晚德益進雜著皆修齊至道
訓諸孫曰吾少誤於俠中嗜黃老皆非若所宜法也雖然
漢七國變周亞夫乘傳車至洛求得劇孟喜曰七國舉大
難而不獲孟知其無能爲也俠之輕重於世何如哉吾行
天下每至必詢仗義急難人不概見感慨繫之矣

王良繩曰赤手捕長蛇不事鞍轡騎生馬奇人高文能
熊千古

彭山人傳

順治十五年。蠡吾彭之燦南如蘇門。坐餓甌臺上。孫鍾元

徵君挽之。不可。七日而死。天下稱之曰彭餓夫。云於時其

侄山人名通者。亦與上谷張秉曜結北邙社。秉曜云浩然

歸去事如何。山人云不向邯鄲惹睡魔。秉曜云生死摠同

秋色。老山人云比邛山畔月明多。已而笑曰。生與死亦何

分哉。乃放曠行歌。而一混于酒。好學書。及畫。時絕炊。妻子

嗷嗷。尚據案揮毫。不輟。已而竟起。出門去。妻子亦不知何

往也。嘗遊京洛。貴顯家皆愛禮之。醉輒作狂語。曰。許大長

安何寂寂也。有衣以錦衣者。晝衣夜被。其妻曰。盍珍之。山

人昂首曰。汝欲使此衣役我耶。見人輒笑傲。或與人語至

半。轉。一。笑。而。止。人。延。之。必。爲。置。酒。半。酣。輒。歌。呼。鳴。鳴。不。自。
休。無。酒。則。攢。眉。而。去。每。高。吟。云。終。日。萬。吞。吐。不。道。一。俗。字。
年。八。十。餘。飲。酒。浩。歌。如。故。而。書。畫。益。進。

李。攀。曰。餓。夫。之。死。不。悔。而。山。人。復。以。放。曠。高。簡。遨。遊。人。間。
何。吾。蠡。彭。氏。之。多。奇。也。然。山。人。吐。棄。世。故。至。妻。子。凍。餒。亦。
不。以。爲。意。其。始。爲。莊。列。之。學。者。耶。雖。然。世。之。患。得。之。而。患。
失。之。早。躬。汗。簡。而。不。之。恤。者。其。視。山。人。不。啻。雲。泥。矣。

毛。河。右。先。生。曰。碑。傳。當。有。須。眉。有。言。動。語。笑。此。在。退。之。
且。束。手。而。聽。主。能。之。豈。非。龍。門。之。才。

郭孝婦傳

孝婦開封郭鍾琇妻而王指揮堯臣女也明崇禎間闖賊李自成兩攻開封不克總兵陳永福子射其一目眇太恨於十五年四月率衆燬四郊麥百計攻城中乏食推官黃澍括民粟三次麪一觔直銀二十兩纓珞草小紅蟲瓦松蟻螂每觔至三緡人相食孝婦家計口日熟麪水一盃繼以糠覈庭前蒲萄啗其葉盡姑年七十餘不能食孝婦懷有乳嬰迺以漚哺始如是數月孀日減嬰餓損呱呱泣孝婦撫之亦泣接顧也而強笑語上堂乳其姑九月十七日賊灌黃河入城家衆號巢木上食絕漚涓滴僅奉姑嬰竟瘐已而水益漲伴高福得一小桴鍾琇扶母上命孝婦面

雍樹長兒圻隨而身與弟別出梓漂巨浪中隨波湧竟達
疾四顧皆賊壘無所之有絳衣老父須髯皓垂曳杖來曰
而郭氏妻孥耶焉知路可隨吾行抵河干不見一賊引入
草舍甚潔曰此有粥食之又曰吾引而渡河相聚命登一
舟始勞坐而氣絕孝婦搢胸泣曰天乎吾願貧年活姑以
乳哺姑日夜半甦曰渴欲沸水孝婦曰此舟中也安得沸
水仍以乳哺之翌日抵河北岸絳衣老父已先候無何遙
指鍾琇曰而家主至矣遂不見鍾琇故孝友嘗推產與弟
鄉稱曰德育先生子圻績學有聲生數孫一女孫嫁余氏
不數年贅居守節養其姑與孝婦後先輝映云

李蔡曰昔人傳郭巨以子分甘旨將瘞之闕得金乃全鄧

依○避○亂○繫○子○於○樹○去○而○保○其○姪○皆○出○好○事○口○不○足○信○信○有○
之○斷○父○母○之○續○體○以○爲○孝○友○烏○在○其○爲○孝○友○哉○若○孝○婦○者○
其○心○皆○不○忍○而○勢○難○兩○全○也○斯○足○悲○矣○鬼○神○相○之○有○以○哉○
獨○憾○弱○季○士○大○夫○無○學○術○博○咨○聲○戰○以○啟○寇○亂○使○仁○人○孝○
婦○不○得○并○保○其○母○子○謂○之○何○耶○

王崑繩曰叙事生動變化而與以絮是漢以前先秦文
字贊慨乎其言所懷偉矣

李氏傳

李氏祁州生員作梅次女也大父珍中崇禎己卯舉人終身不仕氏少婉嫕十六歲歸蠡閭生鍵祖舅際泰以義俠豪華起家舅民部出身名進士氏獨承以儉素從史夫讀書節飲比賢知聞舅宦俸入不給謂夫曰吾家兄弟參然而令老親貧瘁京邸非孝也出簪珥數十金佐供乙酉年三十六病卒予嘗歎君臣父子夫婦昆弟朋友五倫亡其四惟夫婦倫存閨壺多深情也又歎五倫存其四惟夫婦倫亡床第鈔別也鍵于予爲及門來叩神傷曰氏之賢已矣願先生傳之也氏艱于產力勸鍵置副自初昏琴瑟甚和然寡言笑相敬如賓鍵偶動慾念輒正詞止之曰非求

嗣胡爲者且獨不計君身辱也嗟乎古所稱情摯有別者
殆氏歟乃爲傳

魏烈婦傳

烈婦王氏新城王五公先生之孫女而忻州知州新安魏公蓮陸之長孫婦也。年十五六父曙光許歸魏氏事舅。石姑田氏盡婦道。夫克儉病弱相之敬而順。康熙三十二年克儉補易州諸生。嘗讀書保定府城內。時病旋劇。烈婦聞之自易州坎下倉皇入侍左右。奉養卒不起。烈婦擗踊長號曰。吾無天矣。可生耶。吞毒半下咽。姑見以指出之。太哭呼曰。吾與汝舅俱有年。汝夫之二弟稚。汝夫死。汝又死。是死吾夫婦也。灌以藥。日夜令人防。且曰。若叔後日產子。首卽與汝烈婦。時年十九矣。乃強理生計。茹荼攻蓼不少懈。數年後季子克肅生子繼先。遂以嗣之。烈婦撫育甚摯。

髻亂督就外傳隨兩叔父學夜歸必令背誦初克儉藁葬坎下村側至康熙四十八年韞石立新阡營葬烈婦同穴之志怆怆動淚集裳不可拭已而狎爲歡笑時韞石率二子入府試烈婦撫繼先曰汝祖及叔父由祖母室無人兒可伴祖母寢繼先怙恃久牽裾不去也及夜風興視兒寢熟乃躡敝櫛縱以手畫壁曰吾事畢矣志遂矣端坐几上雉經而卒王五公先生與魏公蓮陸皆容城孫徵君門人徵君嘗明季周旋左光斗魏大中周順昌逆璫之難幾濱禍不懾故其講學以氣節入而五公先生更淬礪氣節抱膝著居請編倚天長號慷慨須眉如戟蓮陸亦仔肩徵君之學垂老不悔宜其家婦女之仗節視死如歸也安肅知

縣薛祖順旌其間。爲文立石墓前。一時歌賦輓贊者無算。李璩曰。吾友惲臯。聞每爲我言。人性有四德。而今最亟者在羞惡。能起人羞惡之心。人紀烝烝日上矣。嗟乎誠哉。是言也。如烈婦殆激發于羞惡者素耶。其視人之朝秦暮楚。泚面怍心。不可須臾活。而烏得不終以死殉也。婦父家姑。五公以字易州田治挺之子誠甫事。夫如大賓誠甫。夜出至漏二三下。必秉燭莊坐待之。無惰容。誠甫亦早逝。撫一啞子育孫成家室。今蕭蕭白髮七十餘矣。與烈婦生死皆無負云。

王子傳

王子名源字崑繩大興人父世德明季以世職官錦衣衛指揮僉事國變避地高郵著崇禎遺錄十二長潔王子其次也性剛而好學少從梁公以樟遊樟清苑人明己卯北直解元後亦如南高隱與王子兄潔共談宋儒學王子方髫髻聞之不首肯獨嗜兵法爲古文魏禧見而奇之曰此諸葛君之流也著兵論三十二篇謂古文規撫先秦西漢以離以斷爲章法宋人株守韓愈文從字順語求合求續惟恐顛躓而古文卑茶衰亡矣三藩平後競尚筆墨文學館閣徐乾學等招致天下名士排攷詞章一時如劉繼莊以及萬斯同胡渭生閻若璩輩皆集闕下而王子亦與焉

顧○脾○睨○僑○伍○蔑○如○也○聞○予○相○與○晤○予○微○言○聖○學○王○子○目○瞪○
神○慢○持○予○大○學○辨○業○去○是○之○因○與○劇○言○顏○先○生○明○親○之○道○
令○閱○存○學○編○夜○同○榻○卧○雞○鳴○蹴○予○覺○起○立○曰○吾○知○所○歸○矣○
吾○自○負○有○用○古○文○必○傳○世○然○躬○際○太○平○殽○鈴○安○事○文○辭○終○
屬○枝○葉○非○所○以○安○身○立○命○也○倩○君○价○予○執○贄○習○叁○遂○入○博○
野○傳○顏○先○生○學○時○康○熙○癸○未○主○子○年○五○十○六○矣○初○王○子○自○
命○英○雄○夜○定○必○置○酒○痛○飲○面○昂○身○挺○目○電○須○戟○議○論○磅○礪○
今○古○醇○則○歷○罵○貴○顯○時○流○雜○以○諸○譴○摅○徐○語○曰○子○誤○矣○吾○
人○當○與○堯○舜○周○孔○衡○長○短○乃○卑○之○較○論○時○輩○耶○王○子○大○悔○
立○有○身○錄○效○習○叁○日○記○以○考○糾○身○心○得○失○晚○年○學○益○進○當○
吳○三○桂○時○天○下○震○動○主○子○笑○曰○無○事○也○三○桂○鼓○行○而○前○直○

抵中原策之上也。順流東下以取金陵。踰江而守策之中也。裴徊荆襄。延日引月。此成禽耳。駕馬戀棧。安知遠圖。必無事矣。已果如其言。及聞顏先生學。乃著平書十卷。一曰分民。謂士農工商以分之。甲保鄉以合之。立鄉官曰正。曰。峻曰。巡以治之。而奸民游食異端。則變之除之也。二曰分土。謂郡縣久任重權。如封建。縣統於府。府統於藩。其地域則因山川隨幅輳不相紊。不大縣也。三曰建官。謂內官設府。公孤端揆御史成均也。設部農禮兵刑等六部也。設院通政黃門也。設衛金吾羽林也。設司曆象醫卜之類也。外官則藩府縣縣有堂。縣令縣師也有衙。六衙也有監。亦醫卜之類也。府藩皆如之。而異其名。其銓選則以一途爲陞。

降不以他途雜之。如縣令轉至相國。而其官止。縣師轉至大司城。而其官止。縣衛理農者轉至大司農。而其官止。縣醫官轉至京師醫官。而其官止之類也。別其賢否爲舉錯。不以年勞限之。天子考相國。相國考卿貳。以及州藩下。則各考其屬。外巡按御史劾之內。御史府黃門院劾之。三年一考。九年三考。或陟或留。或黜。而又有不時舉劾者。不論年勞也。四曰取士。八歲入鄉學。教之孝弟幼儀識字習數。讀經書。習小樂舞。十五入縣學。教之六德六行六藝。閱史。陳策。二十後教成者。進之郡學。教之三月。試之又進之藩學。如之。進之成均。如之。遣歸縣。謂之太學生。分科以爲士。國禮儀曰樂律。曰天文。曰農政。曰兵法。曰刑罰。曰藝能。曰

理財曰兼科分之各署三年明習厥事乃實授之職曰下
士子祿官以此爲始五曰制田議均田開水利也六曰武
備兵制兵法也七曰財用論積粟錢法鹽法商稅也八曰
河淮治水也九曰刑罰謂復墨以罪賊復刑以罪盜復官
以罪姦也十曰禮樂移風易俗也而最要者尤在建官取
士二則所謂爲萬世開太平者也初王子數歲從父於南
迄壬申父八十思首丘適天津鹽商張霖豪俠好士延之
遂奉父居天津中北直癸酉科舉人父卒葬之京師西山
祖兆經理松楸穴塲數年淮安姚守聘遂謝已丑春聞携
家而南時閱予易經傳注知太極先天諸圖皆道家異說
與聖經牴牾乃於淮署著學易通言五卷抵庚寅遂卒于

惟署一子兆符

辛丑進士

自孔孟沒而聖道失傳

陵夷漢唐至

宋明而岐途互出

佛老俗學浸淫雜亂

顏先生崛起樹周

孔正學躬行善誘

志意甚偉而傳聞不出里閭

王子來學

漸播海內如吳涵萬斯同王復禮郭金城方苞謝野臣陶

漸播海內如吳涵萬斯同王復禮郭金城方苞謝野臣陶

萬鈞之任

益著

李憐曰王子所謂豪傑之士者非耶迹其文名遠噪公卿

皆握手願交意氣無前且半百耆儒弟子請業者滿戶外

乃一聞聖道遂躬造一甕牖繩樞潛修無聞之士偃僂北

面惟恐不及非誠以聖賢爲志其能然乎當在時相與切

磨更欲進以沉退純粹乃及今思之寒丰正采氣薄霄漢

尚有斯人哉尚有斯人哉

黃鵬臣曰崑崙天子已丑南行飲予參留詩云憂向中
來豈易寬。與君對酌且爲歡。憐才自古英雄少。得意當
前我輩難。消遣壯懷談寶劍。蹉跎春夢付征鞍。還期共
醉金臺下。四野蕭蕭放眼看。聽其語甚悲而不知遂爲
詩戲也。讀傳如見。須麋爲之潸然。

萬季野小傳

萬季野諱斯同鄞人父兄以文學世家季野讀書過目輒
不忘尤熟廿一史及明代典故徐尙書乾學聘入京修明
史已乾學去位王尙書鴻緒主之續修當是時朝廷平三
藩後向辭學公卿從風靡讀書名士競會都門而季野以
博淹彊記爲之首開講會皆顯官主供張翰林部郎處士
率四五十人環坐聽季野講官闕地理倉庫河渠水利選
舉政刑諸項不繙書每會講一事口如瓶注漚磨陽札記
何代何地何人年月日事起訖豪釐不失也時案都憲涵
楊子論學季野暴聞予名又知予與毛河右遊先是萬氏
叔季在史館纂修爲河右所折嘵之金德純特筵招胡朏

明季野及予曰三君者天下巨君也予後至季野酒餘赫
然曰河右全集序爲先生撰稱許太過將累先生予謝手
曰敢拜直言然序文先生未深讀也序以躬行自勵以讀
書歸毛先生方懸虛大非以屈訣且聖道恢郭詎一說而
已胡子曰然因罷去旣而謂予曰先儒訓學錯出愚爲祇
是讀書耳予不答但叩其長歲辛巳都憲及徐少宰秉義
謀梓予大學辨業予思季野負重名見不合或詆譎不如
先事質之袖往求正踰數日季野見下拜曰吾自誤六十
餘年矣吾少從遊黃梨洲聞四明有潘先生者曰朱子道
陸子禪怪之往詰其說有據同學因轟言予昨黃先生先
生亦怒予謝曰請以往不談學專窮經史遂忽忽至今不

謂先生示我正途也。自此情好日密。一日講會衆拈郊社。
季野曰：「未也。」請先講。李先生學因舉辨業所論格物卽學。
六藝歷歷指示曰：「李先生續周孔絕學，非我所及。諸君有
志，勿自外。」並延予登坐講郊社。予辭謝去。嗟乎！吳越文人
爭尚浮誇，季野耆宿，然厭于上公卿，趨其餘風。今忽聞
野人一言傾心，折服舍已，从之是一端也。幾于大舜矣。時
季野修明史紀傳成，尙缺表志，無助者與予雜論經史聲
韻，以夾室並廟室皆南向，故顧命西夾南向，敷席晉立古
文尙書不可廢。予曰：「夾室東西向，非南向。爾雅稱東西廂
是也。公食大夫禮，宰東夾北，西面使並廟而向南，宰何爲
立廟後乎？立廟後何以至東序授醯醬薦豆乎？古文尙書

自漢孔安國送官府至晉中秘尚存惟无傳東晉梅賾始
得安國傳奏之非獻古文尚書也曰何見曰見隋書予又
曰古无四聲有之始齊周顒古惟分宮商五鈞不分平入
四類季野憮然曰吾何以示考也歸檢之信攜手曰天下
惟君與下走耳閭百詩洪去蕪未爲多也從史王尚書來
拜意招予同修明史予辭謝不願也無何季野卒予亦不
往尚書家事遂寢

吳姬傳

姬封丘吳氏女也。幼孤爲人畧賣北里。迺之倡誓以死。不一。死。你。從。後其兄知贖歸郟城。李長華遊封丘。聞之。遂聘爲下妻。奇愛焉。長華以入貲需。選縣令寓燕京。姬從操井。曰。八年。甚力。甲申春。長華病逝。姬孺子呼曰。吾主。吾願與主同死。死。主。孫檢討勳本李姓。夙與長華通。弟好往弔。聞其哭。曰。嘆。是異常聲。爲具棺殮姬。睨之。曰。左度。右側。可再容一棺。乃止。翌日。遂飲鴆。檢討馳救之。曰。毋死。而主君死。而又死。他日。君之子來。疑問。臧獲其何對。且而護喪。以俟君之子。來而致之。而事乃畢也。姬曰。然。遂不死。十餘日。長華次子至。知其事。曰。而何爲死。倚我歸葬。吾且以子與而爲孫。以

酬而勞檢討佐之曰是又可以不死不死姬泣無言夜半竟經死
李堪曰賢矣哉姬之死也含笑相從地下又何言獨念檢
討君以貧官其交遊如長華者亦多有然嘗分米給炊比
卒與朝衣爲之具姬死又具槨葬之真空寺側去廣寧門
十里而近西瞰西山東帶相波普濟橋水二松謾謾其上明人
詩所稱真空寺後雙松樹是也檢討急友朋別有故篤重節義吾
願爲執鞭矣

王支子曰潔甚

朱字綠曰姬死何從容也傳得太史公神髓姬不死矣
溫益修曰有聲有貌可讀可歌聞之不知何以沉然痛
旋又胸中豁豁然也

郭令小傳

郭令子堅名金湯京師人也其弟子固識予於稠人子堅亦篤信焉予與二人吳道子集少長各一歲參列若兄弟然子堅性質直不侵爲然詰好潔勤細務井井出知桐鄉縣事延予至愛禮之甚厚已歸又延至憂予將四十妻無子重聘爲予置副構留春樓以居予子生子彌月奏樂設筵乃載旋里蒞官明於讞決抑豪強擊猾吏嘗與予並轡出勸農桑赴薦紳席不以官自異也子遊西湖訪師友遣役齎斧資恣所之有過問學者飭厨傳惟恐後丁祖母艱解任年四十八遂卒嗟乎迴想生平情義之交未有如之者也其內子四川巡撫于養志女敦潔閒雅歲時以丘嫂禮相見拜

讓中節凝如也。與子堅相敬如賓。御下無妬。子初往桐。比返。僅六七月。子堅爲我製錦緞禪複絮著皮裘。以及粗服。倒頓。袒腹之屬。除不算者六十餘稱。皆于夫人手自縫紵。或歎及子有副。子堅戒開曰。李先生室所用布帛果餐鍼繡諸物。有呼即應。勿闕我當。未往桐時。子固軫念。子後先爲我家中置一副。子嘗語諸子曰。而世世無忘郭氏二公也。

郭御史傳

郭御史名金城字子固父盡忠仕至吏部文選司主事早
逝盡忠養父顯名撫御史甚嚴遂自奮以學問宦績著於
時由旗官學生試特等授內閣中書陞刑部員外郎轉御
史先是御史好詩文聞予言顏習魯先生學盡棄之講求
天文地理政刑書數射御諸學入刑曹精練刑名十四司
稿皆倚定每決讞再四欲飲全活甚衆及官御史曰吏治
不修由官繁亂人才不振由三代學校選舉之法不復固
先既請汰冗員行之而時逐官利謂仕途減則阻滯群怨
謗御史笑而不辯也御史貌謙謹見人匆匆如子弟而中
實不可一世非其道義所欲爲百方撼之不動也杜絕暮

夜苞苴親串僕從從與終不變公退則閉門不請謁人一
日遇尚書甲於塗曰君何不一謁曰公有公地私無事何
由謁曰時如此勿執曰時如此時而某人如此人也甲嘿
然當御史十三四歲顯名使京西蕨山牧馬且牧且刈芻
暮束芻馬上跨而歸艱苦備嘗歎曰吾命貧安之且天
子艱柰何力爲善卒不盡其用四十一歲卒三子卒之日
囊錢不足百敝衣布襪以歛

李璿曰御史篤孝弟能取師友頗嗜黃老謂予曰先生惡
惡嚴傷和予曰絰哀中節亦曰和黃老玩世究爲酷烈非
和也蒔花木適適然曰藉以存吾心也予曰寄心花木無
花木心安寄改容稱是嗟乎共學可深言惜哉

王孫裔小傳

王孫裔陝西淳化人。居西安府。性慷慨。以畫名。寫山川人物。如生。歷歲月。始一幅。巨富貴。迫之不得也。聞人畫宗某家。則軒渠曰。畫必有物。肖物足矣。焉知某家哉。畫天如天。畫地如地。畫何山。如何山。何人物。如何人物。今日倣荆倣董。古人卽善寫。而倣不必善。迨數倣而盡失之矣。初畫山水。或曰。人物渠則未也。遂寫人物。或曰。渠善畫。未能善。適有懸紗燈。書蘇字。臨之。卽酷肖。曰。一能則俱能。能山水。不能人物。其山水亦非也。畫華嶽也。必先策杖窮三峰。諸形勢。無一笔雜入。泰岱恒衡者。性愛鴨。畜之以次飼。鴨序進。莫敢躡。察鴨性情神氣。目睛及毛澤。每節氣皆有變。畫如

之栩栩欲活。予乙丑遊秦中。韓武張中陳尙孚魯登闕黎
宋淳皆來從遊。問顏習玄四存編而孫裔亦與焉。慨任爲
我寫照。延至其家設筵。令予坐。目注身嚮。終日不易。曰動
則與初摹者駁矣。摹面就河南善畫人周璘亦遊秦共視
撫掌曰。肖孫裔曰未也。毀之數日。又設筵招予寫已而何
將軍萬鍾等皆代爲肆筵。招寫每一圖出人愈驚。歎曰。猶
未也。十易稿乃定。已補冠服及從者。琴劍樹石。逾年乃竣。
秦省尙武善騎射。孫裔以意氣雄桀踞其上。幼結一有力
者。鬪力一日二人皆醉。孫裔起持之有力者曰。醉不檢恐
傷也。孫裔不可有力者。儵以靴折其脛。脛斷乃尋人接骨。
藩司甲聞之遣善醫視曰。接錯矣。將終身廢。孫裔曰。如何。

曰須再折再接如之何孫裔曰易耳以股入門闔下張之
驕然折矣神色不變醫傳藥腫瘥如舊家貧雅好周急凡
戚友乏者暨四方旅客無資日按名給若干爲常人號貧
孟嘗君糧道旗乙延爲上客因識其僕丙後丙逃之孫裔
所糧道覺謂曰若匿吾僕乎盍出之曰公何不早言吾已
諾之矣可使吾食言乎卒不出每夜必操鎗百合乃寢貌
潔美而雄赳之氣溢出或曰子照從者卽其自照云妻某
氏以孫裔未有子勸置筵孫裔遲之妻曰以我耶遂爲尼
別居不之見而有賓至供饌如故也孫裔東去遠左妻等
卒有人西來言其畫尋者數百金不可得

馮劉二翁合傳

馮翁翼公名廷獻清苑人也少未讀書而有至行孝友知
守身一婦人挑之故與戲翁若不聞夜啓戶延避而去年
邁猶夙興日灑掃庭除令無點塵夷然稱其心焉教子辰
耨禮義從子遊卒年七十八於時劉發璋之父亦七十餘
而卒子皆哭而弔之劉翁吾蠡人名起聲字宰宇亦未讀
書短小長髯才幹有口晚年產落浩歌拾薪無愠色慕顏
習^{追序}先生學行恨老矣不能從遊使子璋^合向子授讀當壯
時尚義俠排難解紛親友有急能^{追序}助嘗應里保長永清
一點役挾翁一里人爲盜者來緝盜投文蠡令趙下里氣
軒張甚陰縱爲盜者逸逮其族人縲而拷之翁爲解役曰

汝解渠孰爲汝解翁曰汝誰何役曰將拷汝翁曰拷則殺
汝役曰明明日月朗朗乾坤而敢殺人翁曰明明日月朗
亦快亦趣朗乾坤而敢拷人鳴炮紮鄉兵縛而暴諸日役曰何時殺
翁曰尚有須卜夜耳及夜半牽之行役以爲果殺已也窘
呼至半途解之鳴於趙令令具文解廷道使與翁訟不勝
責枷黥役奉頭慙謝去
李堪曰馮翁近狷劉翁近狂使得聖人以裁之豈近今之
人賢哉乃卒貧以老名不出於里閭悲夫二子負質亦各
肖其父續學充之以顯其親豈異事耶

張太翁傳

太翁諱興家字旺川作傳之由且聯絲所文無極張子業書之父也幼有摯性綱好
飲助人考少庭舉三子翁爲季八歲少庭卒哀毀若成人
侍母王氏宛轉得其歡十八歲母亦逝踊號五日不食服
闋兩兄議析箸翁隨而泣不得已分田二十餘畝泮礪耕
作至于畝仲兄同母居相近事養頗易孟兄異母也嫂楊
氏居城內與翁西郭宅詳遠服食支費翁日往爲之營及卒
皆葬如禮同祖姊三人一爲庚辰進士朱君良之母一適
宋一適何俱年八十餘翁時迎養並及其子姓垂白婆娑
飴膏聯席驩如也有乏周之而宋尤貧姊卒葬如兄母有
前生劉姓子二各一子貧喚養之爲其子昏生子成產始

遣歸里黨昏喪不足者竭力經理不待其告也。梯以舉火者數十家。一日之田見盜麥枉道避之曰。吾見恐惡難堪也。布商宿其家夜失數百疋尋之有跡。翁曰。聲張其人終身廢矣。吾自償之便。金亡或曰。甲翁曰。渠窘吾遺之非盜也。西郭舊有傭市複歲無雇者呼曰。願累三翁。即數十人飯之倍其直而去。初少庭能舉千鈞人號張大力。明季寇發。少庭率十餘人持挺禦之。莫能前。寇忿甚。千百麇至。攢刃少庭。手揮之十指斷。其八遁。以掌握齒擊一寇自睛出。群寇環救。少庭逸。然生平不與人競。或戲而圍撻之弗拒也。已而振臂一搖。衆皆倒。翁亦多力。一婦人投井救者下梯援。婦人不肯出。衆圍視。莫如何。翁提梯並援者。婦人俱

追敘開中着色

有聲有色

出而更謹。屋不爭。即有怨。亦不校也。極令陳明倫甚禮之。
每肩輿或乘馬。過於塗。必起而拱。月之吉。鄉役來比。輒戒。
曰。而輩歸訓鄉人。務爲善。如再郭張翁者。爲登縣志。卒年。
五十八。邑人識與不識。皆涕泣。元配朱氏。繼配劉氏。子二。
長。卽業書。朱出壬午科副榜。舉人教習正紅旗官學。候選。
知縣。不遠數百里。屢過塔。商學見其篤。好友朋急信義。遇。
事咄嗟立辦。時邊陲遣役。關東西苦饑。張子需次民社。慨。
然思一見於經濟。堪謂之經濟。自家始。張子因言教其異。
母弟景書。每垂泣相視。爲補太學生。始延師。旣而躬教其。
甥劉沉。李夢龍。從龍養於家。皆入庠。母家侄教養之。爲補。
吏員。今年塔遭先妣大變。已葬張子。又遠辱吊已而匍匐。

歷言太翁事求傳乃知張子之孝友惓惓有自也。恭罪逆
之軀性傷急。困兼貧。糴給衣食無能。嫠媿任卹。獲茲天
譴。聞翁父子間事。滋之愧也。爰如其言。而以不文者誌之。
俾爲鑒焉。

龐魏氏傳

龐魏氏蠡之龐家莊人也。夫龐娶隣村魏家蕞魏氏女。邑令以賢詳聞上憲。曰龐魏氏因以稱氏。夫早卒守節不嫁。而祖姑徐氏姑董氏皆先守節。三世一堂。氏竭力養之。不使姑與祖姑一匱。勤也。勤女工刻無寧者。織棉布。一日一端。或給之綫。爲織每端必長一二兩。曰漿轆所滋也。與以直多一錢。必璧之。農時躬耨而不與男子交語。比隣不過往。祖姑八十餘。目昏躬負之。如廁向曝。返牀復負入。姑亦盡壽。負出入如之。終葬以禮。族或周以喪具。資氏曰吾貧。暫貸用。必償。如不償。我償。是觀我非人也。日夜織不期月。皆補完。樵薪稅負引。或請代氏曰。吾二姑无子。孫焉在。

卽其子孫也可代乎姑之窆以夏六月雨水溷塗氏躬衝
水泥擗踊長號從觀者皆爲流涕二女有甥雍正三年邑
大水饑 朝廷開倉令有司賑邑令喬公查饑民過其門
見室戶零落曰此貧家也盍告賑里役曰寡婦曰寡婦亦
吾民也若饑則與之里役戶外呼之告以故氏曰氏固乏
炊然問食 朝廷米償不役以白喬公曰賑也何償役復
之氏曰償則食不償吾孱婦耳何功以報 朝廷而徒食
乎不可鍵其戶再呼之不應喬公歎息而去大學士高安
朱公一女孀守其舅姑不願也女茹苦澁淡卒不論公一
日使人視之與以金爲養女曰吾待亡旦夕有何支費而
以金爲且吾公素矢廉此何自得之却之歸與氏判貴賤

而高義南北輝映云喬公具刺拜氏歸之米一石令邑東
鄙郵而致氏又辭不受來役力請曰邑父母養汝節可拒
乎氏不得已奉刺及米置于案拜而受上憲聞皆賢之謀
旌表其閭其族黨公選近族賢者爲嗣以世其家

恕谷病叟曰鄙性迂从不敢居間當事爲潤澤出遊四方
卽少同筆硯者在宦亦不敢行李過而問斧資也而天下
穰穰利往熙熙利來相視駭哈甚者陰持無何有之事以
相詬厲每自疑吾道非耶何爲至于斯今乃得龐魏氏
朝廷行仁匹婦守義而仁不能加之異哉居不遠過而求
誨必有以開予而惜其爲婦人且嫠也何以爲之執鞭一
欣慕乎惲臯聞曰孔門訓仁孟子尤重義以廉耻可以持

世也。氏與高安朱氏皆以婦人而重廉耻。吁可歎哉。

黃成憲曰讀此文如攜姑射處子婆娑雲際九點烟塵
豈糠粃耶爲之一彈再三歎矣

高陽李去華曰龐魏氏卹緯之窮嫠也然能信大義跡
其言何諤諤也予嘗驅車過其里綠雲滿野烟火數家
土人耕田鑿井嬉嬉于麤籩豆棚之下殆力于農者
多也今值凶祲乃有義不受賑者牛衣老婦媚介自持
邑大尹賢之士大夫稱之何以故豈天性然耶抑吾恕
谷先生家居講學數年來立懦廉頑化及婦人耶吁可
以風矣

恕谷後集卷七

內丘縣儒學教諭李君墓志銘

李君諱樹碩字簡臣以選拔貢生康熙四十八年選內立

○ ○ ○ ○ ○ ○ ○ ○ ○ ○

縣教諭君不自閒其官修學宮自其邑安平置文廟祭器

百餘事齋至內邑課諸生以文行暇則與之賦詩道志由

是人文丕變會五十年奉 旨蠲畿輔民糧乃內丘令以

北歲不登多逋賦催科加亟日敲朴民鼎沸相率運坏木

砌縣衙門令倉皇无措君聞急往視諭以上下大義民乃

解適分巡大名道甲過內丘民聚馬首呼冤令懼私丐甲

執呼寃者繫之獄且謂必有衿生咬之竄數名呈甲甲呼

君讓以不能束士君憫然正色曰民填溝壑而號呼誰能

禁之而安事竣之諸生何尤且碩不能束士罪也願投簪
甲爲之霽威置諸生不問而去至栢鄉使人召君意倩之
爲邑令調停也君揖使者曰吾老矣乞休矣不長于奔走
無以奉命遂告休次年夏旋里將行之夕忽聞門外大呼
且哭君驚起偵之則成碑人焚香叩送者及出郭士民攜
觴泣別蠡擁馬前不得行予嘗謂官人要職惟冢宰與縣
師冢宰在上位進退人才者也縣師在下位教育人才者
也而今最閒無事亦惟此二職冢宰不復問選人賢否惟
立簿列年分先後爲用次縣師愀愀閒坐終歲不一教士
比文衡案臨造冊賁送如此則置書吏辦之皆可報稱奚
事贅官乃君獨改轍造士且復留心民瘼其不合而歸宜

也。君先世以文行相禴游歷仕途君守身孝養爲邑人捍
災患一遵先人旨躬訓諸子俱積學康熙癸巳科或謂曰
諸公子文張甚而屢躋皆謄錄人潦草誤之也近有賄謄
錄者盡效之君曰不可。是以賄進也。旣而是科謄錄賄發
而子用舍入穀君諭諸子曰履正不亦獲耶。僥倖寧有濟
耶。鑒之率祖攸行無忘於戲君之守正素矣。配某子五人
用晦用弢用含用煦用弘女五人孫七人享年七十有二
將塋也晦衰經匍匐求銘銘曰
職之任時之宜不周而去奚其悲呼池之旁君子之藏白
楊風起苟無戕兮

原任戶部郎中閔公易莽墓志銘

予年才半百而四海舊遊零落過半乃同里朋友如閔公者亦委形速化矣能無恫諸公諱中寬字公度易莽其號也世爲吾蠡新興里人少聰穎異常見十二歲補博士弟子康熙乙卯科韓公葵主試中舉人已未成進士隨授行人司行人先是公父大來翁以義俠名聞天下公復嬪以文學家聲蔚起而公乃化倜儻爲寬厚易見事風生以退謹。躬。然。侍。尊。長。後。嘗。移。時。弗。出。一。詞。也。大。學。士。王。公。熙。如。同。愛其新進有聲欲子畜之公曰可謂他人父耶謝不應或從與謁大學士索公額圖公曰吾拙澁不嫻走趨不往已丁母艱歸益潛心書史聞王五公先生多學安車迎之事

以師禮吟咏披緋遂益富補官與淮安李學士鑑大名袁

翰林佑山東蘓中翰偉任丘龐翰林塏宛平陳處士于王

結詩社著述成帙博陵顏習齋先生崛起倡周孔正學以

九容齊明表裏並進治身心謂六德六行皆從六藝入以

禮樂射御書數爲學璆時萍踪入都傳其說公力是之因

與倡明學術者如許侍郎三禮吳都憲涵王孝廉源翰林

寶克勤冉覲祖俱往還而正學亦駿駿有聞矣顧公恬于

仕進以行人使江西題詩滕王閣忼慨拓落而返已轉刑

部主事又轉員外郎晉戶部郎中皆未究其用丙戌春闈

被劾彈黜者咸無恙公分房杜絕請謁乃以殿試一卷

不如式鵠職及旋里老病糾纏遂以不起悲夫公生于前

崇禎十三年五月二十日卒于康熙四十九年二月七日
得年七十有二父母以公貴贈奉直大夫太宜人元配張
氏贈宜人出一女副室晉氏出長子健虞繕生員繼配蔣
氏封宜人出子鏞增廣生員入國子監又出銓增廣生員
蔣宜人又出二女孫七人於其卒歲也將葬里東之祖阡
求銘于予予少年厲角戴鐙立欲馳驅寓內及見公醇醇
恭謹積學彊識而不知名譽為何物為之退然自歛又與
故有遺忘者詢公輒歷歷指其顛末而學有助乃今俱不
可復也烏忍不銘銘曰

余德之儉余學之寡時雖壁刻借照其行迺公長于古短
于今以不沛其需而儉城是函吁嗟乎醇醪大樽問十得

五奕禊。窺此。尙款起。起。

黎長舉曰。一池秋水萬峯夏雲。

趙室蔣孺人墓志銘

永平府府學教授趙君晉升之妻蔣孺人以康熙四十四
年十月卒於官署其子扶柩歸蒲城抵四十六年冬厝之
先原句志銘於予言孺人十七歲歸趙君善事舅姑撫前
室六歲子灝如已出相夫勤儉教諸子成名有節度今儵
以逝予聞之不覺淚泫泫下作而歎曰孺人之所自來
何可沒也蓋忠孝節義之感人甚矣哉孺人者吾蠡崇禎
戊辰進士戶部山西司郎中蔣公範化孫女而庠生爾恂
之女也戊寅範化家居守蠡城死于兵爾恂抱父屍大慟
已而畫父像已帶劍立其側朝夕哭拜必祝曰父无恫兒
必尋父讎報之後偵知殺父者爲某汎卒丁亥紮衆入蠡
忽谷後集

城○捕○汛○卒○礫○而○祭○其○父○東○走○河○間○衆○潰○遁○去○當○是○時○爾○恂○
方○二○十○三○歲○娶○孺○人○母○李○氏○爲○高○陽○李○文○敏○公○族○女○祖○父○
皆○科○甲○顯○宦○而○少○婉○嫕○成○童○執○巾○櫛○羞○澀○恭○謹○不○敢○仰○視○
爾○恂○方○蓄○力○學○技○擊○氣○嶽○嶽○恍○慨○有○爲○於○妻○子○未○嘗○一○狎○
視○也○丁○亥○二○月○遂○電○掣○雷○馳○天○涯○生○死○永○隔○踰○一○月○李○氏○
產○孺○人○去○于○歸○不○及○一○週○也○嘗○撫○孺○人○泣○曰○汝○父○丈○夫○也○
吾○今○追○憶○汝○父○面○目○皆○恍○惚○不○可○省○識○第○而○父○執○大○義○吾○
當○執○節○報○而○父○閉○戶○紡○績○以○給○餽○粥○今○年○垂○八○十○白○髮○蕭○
蕭○惟○撫○此○女○猶○毅○然○時○訓○以○婦○道○不○作○兒○女○態○而○今○孺○人○
且○復○先○母○逝○矣○嗚○呼○其○可○悲○也○孺○人○享○年○五○十○九○歲○子○三○
長○即○顯○前○室○劉○氏○出○乙○丑○進○士○原○任○弋○陽○縣○知○縣○娶○某○氏○

次○漪○孺○人○出○貢○生○娶○某○氏○季○潛○孺○人○出○庠○生○娶○某○氏○女○幾○
孫○幾○嗟○乎○孺○人○烏○可○不○銘○銘○曰○
距○躍○呌○闌○不○周○東○仆○陽○窮○陰○燦○支○機○毓○玉○泥○波○蛻○漚○襟○裾○
滄○渤○赤○羽○白○練○割○雲○銑○鐸○剗○胸○酌○酒○九○原○笑○作○黃○塵○萬○望○
安○知○衿○櫛○欵○茲○葵○耀○呱呱○泣○血○持○踵○吾○息○百○年○水○雪○瑩○瑩○
沆○瀣○母○女○媼○轍○井○臼○積○勞○膝○前○告○訣○攢○劍○束○鋤○郎○峯○崩○力○
葡○萄○延○來○如○觀○鳴○鏞○嗟○龔○其○中○鶴○髮○淒○冽○奕○襖○忠○孝○跡○此○
銘○揭○

溫隣翼曰通篇爲李夫人寫照一字一淚文情鬱勃如
有鬼神震盪其間
非銘婦人體

安平崔君開遠墓志銘

世稱世家必曰江東王謝河北崔盧崔著土爲博陵安平。自漢以迄唐季簪纓閭閻蟬聯鵲起其後少衰凌播越矣。抵前明而安平之崔氏復著。今康熙五十三年嘉平崔子。塤來求其尊人墓志。予幼卽聞安平有崔文學亮遠者與。祁陽刁文季先生講學兼以餘力治岐黃術聲施遠邇。崔子之父則其次弟也。按狀諱甲鎰號開遠亦講學杜門掃。軌課子弟誅茅三閭蒔花木畜金銀魚數尾曳杖頽仰。曠如也。子弟或事詩賦輒付火曰勿啓器張業農商者必。戒以勿苟得率內子事父仲藏公孝內子同邑劉翁思明。女仲藏公飲食必以內子羹他人代之仲藏公咽不甘也。

又引入錯綜

母蘇得沉疴。君晝夜侍湯液。抑搔十餘年。如一日。繼母宋

病瀉三載。廁踰衾衣。污穢必內。子親滌。晚年爲名山遊。至

五臺。遇虎同行者。震伏虎目。君踐巡而去。人以爲孝感。仲

藏公病。彌留曰。吾舊家也。歷傳有銅鳴蟬。古銅鎖瑪。腦枕

資。劉婦疇爾。孝初明永樂間。遷大寧衛。小興州人。於內地

或曰。小興州。崔卽安平之崔。所播遷也。始祖文明徙河南

中牟。曰。非吾故也。改北轅籍。安平城西之黃風里。遞傳七

世。祖崗山西岢嵐州學正。六世祖文進。陝西保安縣知縣。

五世祖俊。山西絳縣主簿。已挂冠歸。授生徒。崔族科第蕃

衍。率出其門。高祖承祀嘉靖辛卯科舉人。曾祖璵。萬曆乙

卯科。經魁任河南淇縣知縣。再調湖廣竹溪。祖向學。萬曆

卯科。經魁任河南淇縣知縣。再調湖廣竹溪。祖向學。萬曆

戊子科舉人江南寶應縣知縣父昂卽仲藏公也國子監
監生博學彊識李自成陷京師各州縣俱署僞官同兄山
海關遊擊晟弟附監生昂罵僞官謀起義旅僞官鉤鉅盜
斃晟昂仲藏公跳身走及興朝定鼎聞其義召以官
仲藏公勵兄弟借亡辭不就故崔君仰體父志與兄亮遠
弟穎涵分甘連裾讀書共樂至語以帖括舉子業掉頭不
屑也子四人長均武庠生次壩庠生次墩次卽壻庠生女
一孫四人曾孫二人崔君卒於康熙四十一年十二月距
生享年六十九歲已葬其里之祖兆矣抵今年六月配劉
氏卒得年八十二將合壙乃爲之銘銘曰
是惟公侯之後必復其始博陵馬鬣熊熊燭天不在貌公

禮○侯○而○在○剷○跡○埋○名○之○崔○仲○氏○

委攝四川仁壽峽江兩縣知縣陳君墓志銘

予以康熙辛巳入都持周孔三物四教之學告人吳石門公爲予梓大學辨業一時傳爲創論凡海內有聲士無不
過從者富平陳子四如其一也陳子豪于詩酒每飲白輒
慷慨欲有所建豎于世甲申溫子德裕令郾城力延予衍
學論政時其幕中乏人予因薦陳子同往次歲子辭去而
陳子亦旋偕廣西巡撫梁公而南巳丑夏富平楊令三促
子榻其署歲暮去今年二月迫延復西秋仲正趣裝東返
而陳子適自粵西抵里來晤別已六年入門匍匐曰如雨
間罪人也先君敦氣節經濟康熙十八年從勇畧將軍趙
良棟征吳三桂復四川積功題委成都府仁壽縣知縣又

以會兵進滇黔倚先君才料理軍需委受嘉定州峽江縣
及將軍保題部授再三疏未下而先君于康熙二十年八
月卒矣不肖飄零南北藁葬哀鳴今歸將謀禮厝願以志
累吾子嗟乎昔李廣能衝陷折關漢文帝嘆曰惜乎子不
遇時如今子際高祖世萬戶侯豈足道哉陳君當三藩叛
亂可以叱咤風雲立建偉績而僅偃蹇委理縣務資志而
折矧今中外安枕剗高塞深而欲于人簿書期會之餘行
其迂古政學者何也陳君諱正試號公庵得年三十七歲
元配陳氏生一子卽四如繼配張氏生子四表將以某年
月葬某原爲之銘
銘曰才則儲時則須乃良行跛不舒矧無痛呻而進火齊

哇。哇。其吐。

劉君來獻墓志銘

雍正二年閏四月安平劉君來獻以七十歲卒抵秋杪其子廷傑匍匐階下求填墓之文予悲焉君世系詳予前撰劉氏家譜序及諸墓表內君生而醇龐爲諸生有聲能承二人意父化吾翁病事之數月衣不襦帶母馬太君年邁畏暑躬負之陰一日數移抑搔痛癢無倦色弟其姊生死爲之謀自用儉而尙施與隆禮師友持家不許僧尼往來男子不許畫處內婦女無故不踰柵教子姓基以小學夜訓女且授女經見人非禮至垂泣誨焉立家訓如戒熙博急輸將等二十二則以顏習叅先生教禮樂射御書數命傑文武兼習學院陳公世倌取其武補庠生子念堯舜湯

文傳道于上。尙已。孔子始傳道于下。得其傳者。惟顏淵而
早卒。文學躬行。僅餘分統。孟子弟子。則無所傳。今習叁先
生崛起而復周孔正學。一時過從者。多有劉君僅于。會過
一識面。而其後心竊私淑。謂學莫先于禮。禮莫重于祭。倣
習叁置齋戒牌。虔供奉。立祠堂。修家譜。樹墓碑。又二八
月上辛。從祀習叁。亦得先生之一體者。不幸承乏。如堪號
呼。天下已半生。而或興于前。墮于後。明之從暗。之移。屈子
曰。蘭芷變而不芳。兮荃蕙化而爲茅。王五公詩云。奕碁世
事。輸先著。燕幕身謀。悞後生。每誦之。未嘗不泫然流涕也。
嗟呼。日月在上。山河在下。斯道竟委之荒烟蔓草乎。聾聽
跛行。乾坤曷底刳于老成。又去一个。雖欲不銘之。不可忍。

已君諱琛元配高氏繼趙氏又李氏又深州趙氏庭傑母
也又尙氏傑娶同邑舉人王公磊女女二人孫二曰蕃曰
蔚孫女二銘曰
斯人之逝兮斯道之悲姑厝君于吉壤而延佇乎天衢

待贈淑人田室趙氏墓志

氏肅寧廩饒生趙君爾璧之女辛卯科武舉人田生斌之妻也生于康熙某年月日卒于某年月日年二十九歲有子二人長玉麟方七歲次石麟六歲一女方二歲氏卒後其夫狀其行其舅與平公走人來問曰兒婦賢而早折可志否子曰可也按狀氏病姑亦病氏每以不能侍湯藥爲憾禱神求以身代得母家物必獻姑姑不受長跽以請奴婢或不恭曰此我舅姑家人我不得辱詈也弗校是不亦賢乎哉當己丑歲子西遊秦與平公延至署命其四子俱拜從遊子辭謝曰下走固不足爲師且流寓一二日卽他逝何以從爲是虛節也公曰不然使諸豚兒知先生其師

也。無亦悚惕乎其益不已多乎。四子皆業文。二郎斌兼通武。予因率之入長安。從何萬鍾。蔡瑞生學射。遂造工巧。比鄉試。果射標中雋。以顯名于時。爲人慷慨英多。橋梓間皆賢。而加人一等矣。乃以夫之賢而哀而狀之。舅之賢而欲志之。氏之賢可知也。爲之志固宜。

聚強戴氏先塋碣銘

康熙己巳壬申間有巡撫吳楚不避強禦嶽嶽樹政績者
聚強鄭中丞也其內助爲戴夫人丙戌予與其公子交皆
廩廩敦謹讀書志四術六藝諸學登堂知夫人獨有持家
棟嚴守義方疑其母家亦赫奕相配云今歲二月長公子
知寵拜手予曰家母於外家有隱恫焉外家先世本素封
抵外曾祖有恒禮部儒士早逝室李氏外祖君貺入武庠
棄去復入文庠倜儻好施稱長者外祖母韓氏產家母十
日卽亡祖母李育之後外祖以嗜酒結客產中落子璿與
家母同出次禮次璵次璣繼劉氏出璿補諸生亦嗜客痛
飲性無城府與人語洞達肺肝徃徃直啓其機緘弗顧也

子三人召聘淵落拓不偶瑱子三璣一家母已經營厝外
祖父子二世於新阡又以青烏家言改葬戴氏先兆之次
家母每念外曾祖母鞠育恨母未得待欲問其遺業而蕭
然盡矣語及不知屑涕之何從也今將伐石壙其墓思曾
輦言碑銘必求足以傳世行後者敢以辱予聞之泣下馬
外大父斌前明世襲錦衣衛指揮使滄桑變踉蹌走易州
以卒無男子遺生母幼歸先孝慈傳聞易有族人乃尋覓
之荒村歷歷未有省識今戴氏幸多孫井里依然又何憾
哉少讀詩至長發闕宮諸什疑之謂商周皆出帝嚳何以
不追崇功德而專本之簡狄姜嫄且二妃德積淳化其子
姓皆貴盛碩衍至今散布人間而郃與有娥披開姓氏不

可○考○東○南○有○宮○西○北○或○缺○抑○又○何○歟○或○鍾○於○三○男○或○鍾○於○
三○女○乾○坤○變○化○之○妙○也○一○以○尊○嚴○父○一○以○首○先○妣○聖○人○制○
禮○之○精○也○非○遠○覽○幽○通○何○以○與○聞○哉○願○戴○與○鄭○之○子○若○孫○
一○有○克○奮○皆○足○以○光○戴○氏○而○慰○夫○人○之○念○矣○於○是○爲○銘○銘○
曰○

春○秋○戴○鄭○實○緊○相○依○爲○戴○見○伐○鄭○取○三○師○奚○曰○顓○頊○奚○曰○
霍○靡○陰○陽○相○嬪○皆○可○復○始○黃○蘆○之○湄○有○鬱○其○阡○鑣○茲○貞○珉○
奕○禩○眎○旃○

馮修五曰高山大澤龍蛇儵睽疑有風雷變化其中

可母岳氏墓碣銘

清○古○歷○落

氏出曷繫之可志可也無子曷稱母有母之者母也嚙母之繼妻子也子與父之先出者情絕何以母出仍志可則母也氏岳姓安平王官屯人歸可子仁言患羊角瘋可子以禮去惡疾出之返母家數年瘡而可子已再娶或勸改適氏不應闇以箴綫遍縫衽衣及履投井死母家葬之屯東北里許可子好學從習魯顏先生遊因識予年六十補諸生來拜言其出妻之節謀將鼓吹往祭而曰吾再娶已出四子長肄簡次肄箴諸生又次肄篋又次肄節夙命清明十月朔日必往祭出妻墓盡子道擬遷祔可塋而禮無其文卽其地立碣志之可乎予曰可今歲辛丑予自金陵

旋里則可。子已卒。走弔其四子。環而泣。曰。先子求先生文。以表節。母不果。彌留。猶以手指心也。願賜文。使子姓歲時。拜掃觀焉。子念方靈臯。每嘆今之維倫紀者。勢利安性命者。嗜慾氏已出。何所欲於可。可何所利於氏。而氏必以節終。夫沒世不諉。諸子追祀父亡不懈。豈非天性維結。終不絕於人心耶。抑節義烝感者然耶。銘曰。井清淪。竈幽黝。節則婦情。卽母繫。謂天之絀而人之信。萬禩眎茲文。

劉君化吾墓表

康熙二十三年八月劉君寢疾其子琛長跼淚淫淫霑裳
問所語君曰孝讓勤儉絮語素矣吾志修家譜建先人祠
領提情堂樹麗牲之石于祖兆未遂而儵即逝矣而其瞑吾目焉
琛拜受命家譜成庀材修祠五十三年伐石匍匐于予求
爲君衣且于先丘謀一一盡石君諱冲善性如其名幼失
怙奉母修醴將以色一從伯託孤息爲之昏聘無慳意康
熙七年巳南有呼池北爲潞兩河駕秋靈爲虐決禾黍隨
流盡比屋號饑流亡君惻然發積賑之全活者無算先世
本山後之興州人明永樂間遷于安平北白沙莊二世仁
義三世昶中正統辛酉科舉人授山東章丘縣訓導四世

謝遇遺金不拾待其主至予之五世以孝由吏員官省祭
以子貴賜封承德郎戶部主事事親篤孝人稱劉孝子邑
有二人陷冤獄易產求孝子援之孝子爲營解得脫歸其
金贖產復業邑作三圖記戶絃里說則君之高祖也又傳
曾祖鑑登嘉靖辛丑科進士歷任戶部郎中加授奉政大
夫有官績大父繼毗邑諸生考杓豪爽慷慨嗟乎君之先
勞于國著于鄉宜乎生君之賢表章之不足繼之以子孫
也配馬氏與君毗德後君二十年卒重呼琛曰吾爲劉氏
婦五十餘載矣汝父寬而惠繼之惟汝汝父嘗欲建祠堂
有照應而哀制威人夫婦獨斷作圖處分
墓碑汝一日不建汝父九原中一日不寧我積數十金非
爲兒女計以與汝竣汝父事嗟乎今人于本源每忽焉而

君夫婦乃生死以之。禮。禮。賢。已。君享年六十七歲。馬氏享年七十九歲。合葬邑北二里許祖阡子一卽璩邑庠生孫一庠生廷傑曾孫某某。

劉節婦岳氏墓表

善與彰善其善也等孔子曰樂道人之善益矣韓子曰聞人之善壯者怒於言懦者怒於色以怠與忌故噫嘻有是哉親故不能得而况面識况塗人吾見人之善淪胥以亡忽諸若劉子琛者非彛可倫矣劉子曰先叔曾祖諱維龍元配紀氏饒陽監生之女早逝繼配岳氏祖故年方十八守節孝舅姑倍於夫子在時睦娣姒撫侄孫成立如已出孫即琛父也縣令嘉其節歲餽金四兩春秋賜胙豎貞節坊墓未刳石丐先生張之嗟乎婦嫠時年正芳且舅氏進士起家官戶曹赫奕宜薰灼其心而乃冰寒玉潔茹荼攻夢以終可謂難矣節而謂之貞固宜昔萬季野脩明史倩

予訂子每慨北人固陋。雖先德不知表揚。以致湮霾不登者夥矣。既而閱世。忤狠訾訾於其懿親師友。不少噢咻也。寧直固陋哉。賢矣。劉子之表其叔曾祖母也。婦享年八十餘歲。惟一女適本縣生員子李善徵。縣爲安平。

彭蘊秀先生墓表

獻陵彭先生以康熙十九年壽卒抵二十九年庚午將葬男潢丐予爲墓志歷書其孝友及養外祖母撫孤侄傾貲贖侄之在旗者延師教族子德威名諸懿行填之幽竈及德配張氏卒潢又竭力以禮合葬今甲辰歲過予曰不肖徵文墓道以表先人吾子塋以爲願也保定府新城有王五公先生者祖父仕明烈皇帝爲闖賊所逼殉國五公大憤投袂而起與其父兄友生糾衆數千傳檄討逆闖攻破雄縣等處誅其僞官開倉散食移兵北上而國朝兵入闖賊遁乃釋衆歸西山每登雙峰絕頂慷慨悲歌泣下已流寓獻陵先生乃命子潢從遊邑士聞風競執費以故五

公○文○武○業○獨○獻○陵○諸○子○所○得○爲○多○先○生○又○以○時○率○三○四○老○友○與○五○公○詩○酒○浩○歌○睥○睨○一○切○後○五○公○卒○收○其○孤○孫○藏○弄○遺○著○傳○世○先○生○子○孫○皆○與○有○力○於○戲○卽○此○而○功○德○莫○可○算○

追序

前序 兵事映帶

矣○當○崇○禎○十○一○年○國○朝○兵○破○獻○城○十○三○年○又○至○城○內○民○

震○警○不○守○爭○竄○去○江○把○總○與○先○生○分○守○南○城○見○事○急○乃○大○

奇蹟

開○城○門○江○持○巨○銃○闌○門○令○民○勿○動○先○生○高○六○尺○有○奇○雄○赳○

多○力○獨○握○門○櫓○丈○餘○挺○出○擊○攻○者○連○墮○馬○一○帥○目○之○搖○鞭○

又一事

揮○去○城○得○全○廣○東○巡○撫○王○來○任○夙○友○善○延○往○爲○客○牀○置○副○

色

莘○氏○半○載○將○攜○歸○其○母○惟○一○女○相○別○大○慟○先○生○遂○還○其○母○

補德配

不○顧○而○去○乃○僅○以○素○封○騷○雅○終○又○可○嘆○也○張○配○能○助○先○生○

施○自○喪○亂○後○全○活○無○數○先○生○諱○毓○宗○字○蘊○秀○家○世○姻○戚○詳○

墓志表不重述

六真居士劉君墓表

予論學重存誠而不言真以真聖經無之而出二氏也漆園曰采真貴精也宋儒以誠誠譌也乃今爲劉君表墓稱六真居士何哉曰六真者寄也有託而逃焉者也一日真貧君有故田宅而擲去遊屐所獲亦或千百金而信意揮灑購書締友僑所必屏帳衣衾鮮具橘柚粃粒蒙頂楚瀝平頭代侍或勸之積貯爲妻子計笑而不答也一日真醉君能飲不能其醉也醒也嗜友善髻亂與同邑龐雪崖檢討共硯席後遨遊九寓如孫徵君傳青王李天生王人岳宋式之皆過從來問奇者亦接引不倦然蕙直面折人過遇俗士輒白眼曰吾醉矣其四真則拙也嬾也狂與隱也

幼攻詩書十三歲遂餽于庠又好技擊毀鈴諸學隨父方
若公代州商州二任能佐經濟已而應順慶王守聘值吳
三桂叛陷于蜀陳其年爲龐檢討序詩云故人遠別飄零
爲胸臆之蠻是也及奮威將軍王公兵至聞君名各以方
畧遂平蜀疏其功授鹽亭縣知縣有政蹟旣以離父母
久歸里孝友甚邑令爲登志書憂居後乃縱遊衡華大白
洞庭西湖天台武夷諸勝地歲嘗數千里每歸不復入里
僑東郡孤筇羣屐往來浮丘如是者三十餘載卒于寓寓
栽花種竹日讀書其中暇更以鍼砭起人疾立起非拙而
嬾也且自費曰介隘與不恭材不材間又曰世旣不知以
無用爲用宜高閣于匡廬武夷之山亦詎放狂而石隱者

即矧日遊歷而曰居已官矣曰士何一非寄而逃者當崇
禎之季天運地輟已而興朝定鼎吏驟民來乃又三藩
傾洞乃又羽書消沉而君適與俱乘風破浪咄嗟立辨亦
復避人謝事一咏一觴時而繩墨如道學時而溟滓如方
外時而烈士時而墨客捫闔担矯惟變所適世又烏能以
測君哉予初識君于長安以周崑來悄乎其有遠志也後
又會于潯陽今君去十餘年矣而予亦老因念夙昔多瞻
顧不如君少時勇于敢爲今復以妻孥累不能如君之佗
佗不顧皆可愧也君長子濤好學有文奉君櫬歸葬故里
之某原屢以君行述請言未敢應也今又來匍匐力求表
可謂有子矣乃以不文者表之君諱鑣字長馭六真居士

晚年自號也在丘人卒在康熙五十年八月得歲七十五
祖父以上皆有顯者初娶王氏在鹽亭又娶陸氏子三長
卽濤廩僖生次濯次泖庠生俱陸出女五俱王出孫四

張肄六曰劉先生想是極有爲人不得志托于拙隱遨
遊以終文以神出鬼沒之筆寫之如其人在三山風雨
中可望而不可卽